

# Ақтөбе университеті



1996 жылдың  
12 наурызынан  
бастап шығып  
келеді

№ 14 (390)  
30 қыркүйек 2016 ж

"Ақтөбе Университеті" Газеті

АРУ им. К.Жубанова

@ argugazeti@mail.ru



Ұстазы жақсының  
ұстамы жақсы.  
Мерекелеріңізбен!

## БҮГІНГІ НӨМІРДЕ:

Атташе Тома Юэт  
студенттермен кездесті



Ерлік пен елдіктің өшпес  
өнегесі



3 бет

Ұстазын ұлықтауды  
ұмытпаған..



4-5 беттер

Спортшыларымыздың  
жетістіктері



Ақтөбе марафоны



8 бет

*Мұғалім ісі сырттай қарапайым болғанмен - тарихтағы ең ұлы істің бірі. К. Д. Ушинский*

*Оқушы жастардың ең сенімді ұстазы, сыр жасырмай ашық айтатын адамы - мұғалім. Ф. Мүсірепов*

*Ұстаз - ұлы есім. Мұхтар Әуезов*

*Мен өзімнің ұстазыма әкемнен кем қарыздар емеспін: әкемнен өмір алсам,  
ал Аристотеліден өмірімді жақсы өткізу туралы білім алдым. Александр Македонский*

## КӨРКЕМ МЕРЕКЕ



Білімнің бастауы саналатын күз мезгілінде келетін тағы бір ерекше, көркем мерекелердің бірі – ұстаздар күні. Жауапкершілігі жоғары, жүгі ауыр, абыройлы міндетті атқарып жүрген

жандарға құрмет әрқазы ерекше.

Университетімізде жыл сайын ұстаздардың тел мейрамына орай мерекелік шара өткізу дәстүрге айналған «Ұстаз бақыты – озып туған шәкірті» деп халқымыз айтқандай, шәкірттері бұл күні ұстаздарына арнап өздерінің ыстық ықыласын, айрықша құрметін ән айтып, би билеу арқылы жеткізді.

Ұрпақ тәрбиелеу жолында қызмет етіп келе жатқан жандардың шәкірт алдындағы релі әрқазы биікте болмақ. Мерекелік шара кезінде ұстаздарға арналған көрермен әндер шырқалды.

Ғалым да, көнші де бас иетін... Ұстазым менің, ұстазым... Қаншама жылдар бойы шырқалып келсе де осы бір ерекше әуендер көз алдына ұстаздың ірі тұлғасын әкеліп, жүрек қылын шертетіні рас.

Ұстаздар мерекесінде университет ректоры Кенжеғали Кенжебаев сөз сөйлеп, қоғамдағы ұстаздың рөлінің әрқазы жоғары екендігіне тоқтала келе, барша ұстаздар қауымын тел мерекелерімен шын жүректен құттықтады.

Өз тілшіміз

30 қыркүйек күні облыс әкімі Б.Сапарбаевтың қатысуымен «Салтанат сарайы» мейрамханасында «Ұстаз – ұлы тұлға» атты мерекелік шара ұйымдастырылды. Ұстаздарды Есет батыр атындағы облыстық мамандандырылған кепсалалы лицей-интернатының оқушылары гүл шоқтарымен қарсы алып, құрмет ілтипатын көрсете білді.

Салтанатты жиынға оқу ордамыздың басшысы Кенжеғали Кенжебаев,



## ҰСТАЗ - ҰЛЫ ТҰЛҒА

университетіміздің кәсіподақ ұйымының басшысы Гүлнұр Зарлықова, сонымен қатар аталмыш ұйымның белсенді мүшелері Самат Есқалиев, Бибігүл Әбенова, Әбдімұрат Абдукаримов, Салтанат Искиндирова, Ұзақбай Исмағұлов, тәрбие жұмысы және әлеуметтік-экономикалық мәселелер жөніндегі проректоры Мұхтар Миров қатысты.

Отырыс барысында өкім мұғалімдер қауымын тел мерекелерімен құттықтап, жылы лебізін білдірді. «Әрбір мемлекеттің

болашағы оның білімді, денсаулығы мықты, мәдениетті азаматтарына байланысты. Сол енегелі тәрбие мен сапалы білімді беретін - сіздер, қадірлі ұстаздар. Еліміз егемендік алған күннен бастап-ақ мемлекет басшысы Нұрсұлтан Назарбаев білім беру саласына ерекше кеңіл бөліп, қолдау көмек көрсетіп келеді. Ел басынан өткерген қаржылық қиындықтарға қарамастан біздің елімізде ешқашан мұғалім жалақысы қысқартылған емес», - деді облыс басшысы өз сөзінде.

Динара КУЖАХМЕТОВА



## Тіл мерекесі аталып өтті

«Әлем әдебиетіндегі әйгілі жүз кітапты емін-еркін бар бояуымен тегіліп түсіретін тіл – қуатты тіл қазақ тілі – сондай тіл», - деп Елбасы Нұрсұлтан Әбішұлы баға берген туған тіліміздің мәртебесін көтеру әрқазысымыздың парызымыз. 22 қыркүйек - Қазақстан халқының тілдер күніне орай университетіміздің педагогика институтында «Тіл-ұлт бірлігінің негізі» тақырыбында тіл фестивалі өтті. Бұл шараға педагогика институтының 1 және 2 курс студенттері белсене атсалысты.

Шара кезінде 1 курс студенттері әр ұлт өкілдерінің салт-дәстүрлерін, әдет-ғұрыптарын әдемі көріністермен көрсете білсе, 2 курс студенттері тіл жайындағы елдерді мәнерлеп оқыды. Педагогика институтының тәрбие жұмыстары жөніндегі орынбасары Рысқұл Измағамбетова студенттерге достық пен татулық идеясын насихаттап, елжандылық пен жалпы адамилық қасиеттерге үндейтін тілдер мерекесіне белсене атсалысқандары үшін алғысын жеткізді.

Жадыра АРЕН



## ЖЕТІСТІКТІҢ БАСТАУЫ

Университетіміздің жанынан ашылған «РИТОР» ЗПК пікірталас клубы құрылғанына небәрі 6 жыл болса да көптеген жетістіктерге қол жеткізіп те үлгерді. Қоржындары тек жетістік пен жеңіске толып, алдыңғы қатарда жүрген бұл клубтың бүгінгі басшысы, биология мамандығының студенті – Айыққан Байтілеу. Шындықтың шырмауын шешіп, жеңістің қақпасын ашып жүрген Ритордың тағылымы биік, тамыры терең пікірталас клубтарының бірі екені Ақтөбе өңіріне ғана емес, республикамыздың басқа облыстарында да танылып келеді.

Жуырда Ақтау қаласында ұйымдастырылған «Денсаулық – зор байлық» пікірталас турнирінде риторлықтарда бақ сынап қайтқан болатын Турнирге 7 өңірден келген 40 үміткер арасында «Ритор» жүйріктері тілден сүрінбей, үздік екенін тағы бір мәрте дәлелдеді. Клуб мақтанышы әрі президенті Айыққан Байтілеу мен Еркін Сарин бұл республикалық турнирде бірінші орын иеленіп, жүлделі орынмен оралды. Бұл өріне, қуаныш, жетістік, жеңіс!

Алтынай ОРЫНБАЕВА,  
қазақ филологиясы мамандығының 2 курс студенті

## ҰМІТ ҰЛКЕН, СЕНІМ МОЛ

Елбасының тапсырмасымен жүзеге асқанына жеті жылға жуық уақыт жұмыс істеп келе жатқан «Дипломмен ауылға» жобасының бет алысымен танысып, бұл жоба жастарға қандай мүмкіндіктер береді, жастар ауылға бара ма деген сұрақтар төңірегінде ой қозғап, талқыға салу мақсатында университетіміздің студенттермен және жастар ұйымдарымен жұмыс бөлімінің мамандарының ұйымдастыруымен деңгелек үстел өтті. Деңгелек үстелге университеттің тәрбие жұмысы және әлеуметтік-экономикалық мәселелер жөніндегі проректоры Мұхтар Миров, оқу бөлімінің басшысы Абзал Мұхтаров, Алға аудандық білім бөлімінің басшысы Марат Төлеуов, «НұрОтан» партиясы бастауыш партия ұйымының төрағасының орынбасары Өтеген Сариев және «Цеснабанк» АҚ Ақтөбе филиалының банк карточкалары секторының меңгерушісі Ілияс Кабдуллин және студенттер қатысты.



Кіріспе сөз Мұхтар Орынбасарұлына берілді. «Жобаның мақсаты баршамызға айқын Бұл Елбасының жастарға жасап отырған үлкен қамқорлығы десек те болады. Қазір жасыратыны жоқ, кәсіби біліміне сай қаладан жұмыс табу жастарға оңай еместігі сөзсіз. Осы түйткілді мәселелерді шешуде бұл жобаның тигізер септігі зор. Екінші жағынан жас мамандарды елді мекендерге жұмысқа орналастырып, ауылдың жағдайын көтеруде де бұл бағдарламаның маңыздылығы жоғары», - деді ол өз сөзінде.

«Дипломмен ауылға» жобасы бойынша жастарға көрсетілетін қолдау, жалпы жобаның орындалу барысы жайына Алға аудандық білім бөлімінің басшысы Марат Төлеуов тоқталды: ««Дипломмен ауылға» бағдарламасы жастарды ынталандыру мақсатында мемлекет тарапынан көтерме ақы мен баспана алуға жеңілдетілген несиесі ұсынады. Денсаулық сақтау, білім беру, әлеуметтік қамсыздандыру, мәдениет, спорт және агроөнеркәсіптік кешен саласындағы маман ауылдық елді мекенге жұмысқа орналасқан жағдайда «Дипломмен ауылға» жобасы аясында 70 айлық көрсеткішке тең сомада біржолғы көтерме жәрдемақы және қажеттілігіне қарай тұрғын үй салу немесе сатып алу үшін 1500 айлық есептік көрсеткіштен аспайтын сомада 15 жылға дейінгі мерзімге жылдық 0,01 % мелшеріндегі сыйақы мелшерлемесімен бюджеттік несиесі түрінде әлеуметтік қолдау шараларын алу мүмкіндігі бар. Әлеуметтік қолдау шаралары ұсынылған маман ауылдық елді мекенде кемінде үш жыл жұмыс істеуге міндеттеме алады», - деген ол аудандық, ауылдық жерлерде мамандардың жетіспей жататындығын да тілге тиек етті.

Оқу бөлімінің басшысы Абзал Мұхтаров университет дайындайтын 55 мамандық бойынша жылда екі мыңдай студент оқуды бітіріп шығатынын, оның 30 пайызын педагог мамандар құрайтынын айтып етті. Деңгелек үстел барысында студенттер де бұл жоба жайындағы өз ойларын ортаға салды. Жаратылыстану факультетінің 4 курс студенті Балзэр Шахина ««Дипломмен – ауылға» жобасында жастарға жүктелер үміт үлкен сенім мол Бұл жастар қауымының еліміз еркіндік алғалы бергі елді дамытуды кездеген алғашқы қарқынды қадамы болмақ. Ауыл қайнаған тіршіліктің ортасы, түсіне білген адамға үлкен мектеп. Сондықтан да ауылдың керкеюіне өз үлесімізді қосайық» деген ойын жеткізді.

Шара кезінде белсенді студенттерге «НұрОтан» партиясының партиялық билеті, сонымен бірге «Цеснабанк» АҚ заманға сай универсалды карточкалары табыс етілді.

Жадыра АРЕН

## Атташе Тома Юэт студенттермен кездесті

Ақпарат ағымының, жаңа инновациялық технологиялардың қарыштап дамуымен жастардың да біліміне, біліктілігіне қойылатын талаптар күшейе түсуде. Қазіргі күні қазақ, орыс тілдерімен қатар, өзге шет тілін меңгерген жастарға әлемнің жоғары оқу орындарында білімін толықтырып, біліктілігін жетілдіруге жол ашық. Қ.Жұбанов атындағы Ақтөбе мемлекеттік университеті студенттердің осы мүмкіндіктерге қол жеткізулері үшін барлық жағдайлар жасап келеді.

Жуырда Қазақстандағы Франция елшілігінің техникалық және ғылыми ынтымақтастық жөніндегі атташесі Тома Юэт университетіміздің шетел тілдері факультетінің студенттерімен кездесті. Алдымен Тома Юэт физика-математика факультеті орналасқан ғимаратты аралап, заманауи технологиялармен жабдықталған нанотехнология зертханаларының жұмысымен танысты. Одан кейін шетел тілдері факультетінің ғимаратында болып, техникалық базасына оң бағасын берді.

Кездесу барысында шетел тілдері факультетінің деканы Салтанат Ескендірова, ғылыми-инновациялық бағдарламалар және халықаралық ынтымақтастық бөлімінің басшысы Ақторғын Агисбаева қонақтарға осындағы оқу ерекшеліктері туралы айтып берді.

Шара кезінде атташе Тома Юэт жастарға Campus FRANCE Франция мемлекеттік агентігінің жұмысы туралы баяндады.

- Франция елінің білім саласындағы ұтымдылығы ол - қолжетімділігінде. Жыл сайын бұл елге 260 мыңға жуық студенттер шетелдерден білім алуға немесе білімін жалғастыруға келеді. Францияның білім саласы сапалы білімімен, оқу бағдарламаларының әр түрлілігімен ерекшеленеді. Campus FRANCE қазақстандық студенттерге Францияның жоғары оқу орны жайында, стипендияға қол жеткізу мүмкіндіктері, визаны алу жолдары жайында өркез толық ақпарат бере алады», - деді ол өз сөзінде.

Атташе Тома Юэт алдағы уақытта университетпен тығыз байланыста жұмыс жасағысы келетіндігін алға тартты. «Өкінішке орай Франция елінің ЖОО-мен университет арасында байланыс әлі жолға қойылмай келеді. Алдағы уақытта осы олқылықтың орнын толтыруымыз керек», - деді ол Студенттер де бұл ұсынысқа қызығушылық танытты.

Жадыра АРЕН



## ЕРЛІК ПЕН ЕЛДІКТИҢ ӨШПЕС ӨНЕГЕСІ



**«Туған жерім – нұрлы елім» атты Ақтөбе облысында Қобда ауданы күндері өтуде. Осыған орай Қ.Жұбанов атындағы Ақтөбе өңірлік мемлекеттік университетінің кіші залында «Жастар - елімнің ертеңі» атты аудан әкімі М.Шермағамбеттің қобдалық студент-жастарымен кездесу кеші ұйымдастырылды. Бұл кездесуде университетіміздің тәрбие ісі және әлеуметтік-экономикалық мәселелер жөніндегі проректоры М.Миров және Қобда ауданының азаматы, ә.ғ.к., профессор, академик Б.Арыстанұлы және т.б қонақтар болды.**

«Армысыздар құрметті студенттер, оқытушылар және қонақтар! Барлықтарыңыз осы бір киелі Қобдадан түлеп ұшқан жастарсыздар. Әрбір азаматтың бойында елге деген сағыныш, ыстық сезім болады. Қандай салада оқысаңыздар да білікті маман, білгір білім иесі болыңыздар. Қасиетті Қобда мекенін ұмытпай, әрқашан көңіл бөліп, көмектесіп жүріңіздер.

«Ұлы Қобда – батырлар мекені» деп тектен-текке айтылмаған. Дархан дала баласы Абат жатқан жер, Қара Қыпшақ Қобыланды батыр өткен жер, арыстандай Исатай, Әлиядай ер рухты қазақ қызы бар ел, Кеңес одағының жеті батырының кіндік қаны тамған жер екені баршамызға мәлім. Осы Қазақстанда сегіз Кеңес одағының батыры шыққан бірден-бір аудан. Қасиеті дарыған киелі өлкемізді мақтан тұтуымыз қажет», - деді өз сөзінде аудан басшысы.

Тәрбие ісі және әлеуметтік-экономикалық мәселелер жөніндегі проректоры М.Миров мырза Қобда ауданы әкіміне алдағы уақытта ауданмен тығыз байланыс жасайтынын мәліметті. Кезекпен сөз алған кеш қонақтары естеліктерімен бөлісіп, сыр шертті. Қобда ауданының әкімі мен қонақтарға

Беркін Құрманбековтың «Қобда ауданының тарихы» атты кітабы естелік ретінде тарту етілді.

Университетіміздің дефектология мамандығының түлегі, қазіргі таңда облыстық психикасы тежелген балаларға арналған мектеп балабақшасында логопед-дефектолог болып қызмет атқаратын Т.Дариябаев өз алғысын білдіріп, ауылға деген ыстық сәлемін жеткізді.

Батыр бабалар мен даралардың мекені болған кіндік қаным тамған жер мен үшін ыстық. Асан қайғының таяғы, Қобыландының сүйегі жатқан, Әлиядай ерлік пен елдік биік үлгісін көрсеткен қасиетті жерде батыр туу заңдылық. Құт береке дарыған мекеніме алғысым шексіз және болашақта білікті маман иесі атанып, адал қызмет атқаруға дайынмын.

Әрбір студенттің жүрегінде бұл кеш көпке сақталары сөзсіз. Ел тыныштығын айшықтайтын абыройлы істе бірлік пен ынтымақ танытып, игі істерде атсалысқан барлық студенттерге аудан әкімі алғысын білдіріп, сыйлықтар табыстады.

Ақжүніс НҰРПЕЙІСОВА,  
филология факультетінің 2 курс студенті

## БҰЛ-БІЗДІҢ ЗАМАН

Кітапхана қазіргі таңда ақпараттық, ағартушылық орталық қана емес, сондай-ақ, кездесулер мен пікір алмасулардың және әр адамның өз ойын ашық айтар азат алаңына да айналып отыр. Облыстық кітапхананың қонақжай белмесінде бұл жолы екі дәуірдің ұрпағы бас қосты. Философия ғылымдарының докторы, профессор, құрметті азамат Амангелді Әбдірахманұлы Айталы жас буынның көкейде жүрген сұрақтарына мейлінше толық жауап берді.



«Жақсы мен жаман араласып жатқан заман бұл Алайда, өз жастық шағыммен салыстырар болсам, қазіргі жастардың жолы әлдеқайда ашық, кеңілдері ақ, батыл да шынайы, ең батысы-еркін Зымырап жатқан уақытта, біздің өмір де өтеді. Сондықтан, жаңа өмірге әрқашан да дайын болыңыздар. Заман сіздердікі.» - деді Амангелді Әбдірахманұлы. Белсенді жастар жағы да өз пікірлерін білдіре отырып, адами қасиет, патриоттық сезім, діни сауаттылық, Отанға деген адалдық тақырыбында ойларын ортаға салды.

Жалындап, уақытты өз еншісіне бағындыра білетін жастар елдің келешегі болатыны шындық. Кездесуге жиналғандар Отаныңды қаншалықты сүйсең, еңбек етсең, еліңнің дамуы мен гүлденуіне қосар үлесің де соншалықты маңызды деген ортақ пікірге тоқтау жасады.

Мархабат ТӨРЕБЕК,  
қазақ филология мамандығының 1 курс студенті





23 СЕНТЯБРЯ 2016 ГОДА ПРЕПОДАВАТЕЛИ КАФЕДРЫ ОБЩЕЙ ПЕДАГОГИКИ И ПСИХОЛОГИИ СТАЛИ УЧАСТНИКАМИ РЕСПУБЛИКАНСКОГО СЕМИНАРА-ТРЕНИНГА «ПРОФИЛАКТИКА СУИЦИДА И РИСКОВАННОГО ПОВЕДЕНИЯ СРЕДИ ПОДРОСТКОВ», ПРОВОДИМОГО РУКОВОДИТЕЛЕМ ПСИХОЛОГИЧЕСКОГО ЦЕНТРА «КЕЛЕШЕК» (Г.АСТАНА), КАНДИДАТОМ ПСИХОЛОГИЧЕСКИХ НАУК СЕМЕНЕНКО НАТАЛЬЕЙ НИКОЛАЕВНОЙ.



## ПРОФИЛАКТИКА СУИЦИДА И РИСКОВАННОГО ПОВЕДЕНИЯ СРЕДИ ПОДРОСТКОВ

В семинар были включены вопросы, востребованные и крайне значимые для педагогов: типы суицидального поведения; виды воздействий на подростка; признаки, свидетельствующие о суицидальной угрозе; причины развития суицидального поведения.

Психолог обратила особое внимание на группу факторов, препятствующих возникновению суицидального поведения у подростков. Среди них были отмечены: эмоциональная привязанность к родным и близким; выраженное чувство долга, обязательность; наличие жизненных, творческих и др. планов и т.д.

Будучи консультантом-практиком с многолетним опытом работы, Н.Н. Семенович подчеркнула особую роль семейного воспитания в предотвращении рискованного поведения среди подростков: «Суицид, как правило, не случается внезапно. Первичная профилактика – это просвещение. Вторичная профилактика – это лечение».

Участники семинара сошлись в едином мнении о важности рассматриваемых вопросов и дальнейшем их изучении в образовательном процессе вуза.

Светлана ТЕНЕРЯДНОВА

## ҚАРТТАРҒА ҚҰРМЕТ КӨРСЕТТІ

ХАЛЫҚТЫҢ «АУЫЛЫҢДА ҚАРТЫҢ БОЛСА, ЖАЗЫЛЫП ҚОЙҒАН ХАТПЕН ТЕҢ», «ҚАРИЯСЫ БАР ЕЛДІҢ – ҚАЗЫНАСЫ БАР» ДЕГЕН СӨЗДЕРІНІҢ МӘНІСІ – АҚЫЛДЫҢ КЕНІ, ҚАЗЫНАЛЫ ҚАРТТАРДЫ ҚҰРМЕТТЕУ, АҚСАҚАЛДАР ҚАУЫМЫН АРДАҚТАУҒА АРНАЛҒАНЫ АНЫҚ. ЖЫЛ САЙЫН УНИВЕРСИТЕТІМІЗДЕ 1 ҚАЗАН – ХАЛЫҚАРАЛЫҚ ҚАРТТАР КҮНІНЕ ОРАЙ ҮЛКЕНГЕ ҚҰРМЕТ КӨРСЕТІП, ҚАРИЯЛАРДЫ АРДАҚТАУ МАҚСАТЫНДА ТҮРЛІ ШАРАЛАР ҰЙЫМДАСТЫРЫЛЫП ОТЫРАДЫ.



Биыл да университетіміздің студенттермен және жастар ұйымдарымен жұмыс бөлімі және кәсіподақ ұйымының ұйымдастыруымен қарттар күні қарсаңында Ақтебедегі «Қарттар мен мүгедектерге арналған медициналық-әлеуметтік мекемеде» «Қарттарын қадірлеген ел ардақты!» атты мерекелік концерт өткізілді.

Мерекелік концертте белсенді студенттер қарияларға өздерінің ақ тілектерін жеткізіп, оларға мерекелік көңіл күй сыйлауға тырысты. Сонымен қатар белсенді студенттер сенбілік жұмыстарын жүргізді.

Д.БАЗАРБАЕВА,

техникалық факультеттің СЖЖҰЖ бөлімінің маманы

## ПРОШЕЛ ЭТНО-ФОРУМ АССОЦИАЦИИ РУССКИХ, СЛАВЯНСКИХ И КАЗАЧЬИХ ОРГАНИЗАЦИЙ КАЗАХСТАНА, В Г.АСТАНЕ

22 АПРЕЛЯ 2016 Г. В Г.АСТАНЕ В СТЕНАХ НАЦИОНАЛЬНОЙ БИБЛИОТЕКИ РЕСПУБЛИКИ КАЗАХСТАН СОСТОЯЛСЯ ЭТНО-ФОРУМ «АССОЦИАЦИИ РУССКИХ, СЛАВЯНСКИХ И КАЗАЧЬИХ ОРГАНИЗАЦИЙ КАЗАХСТАНА». СРЕДИ ДЕЛЕГАТОВ ОТ АКТЮБИНСКОЙ ОБЛАСТИ БЫЛ МАЦЮК ДМИТРИЙ АНАТОЛЬЕВИЧ, КАНДИДАТ ФИЛОСОФСКИХ НАУК, ЗАМЕСТИТЕЛЬ ЗАВ.КАФЕДРЫ АССАМБЛЕИ НАРОДА КАЗАХСТАН ПРИ АКТЮБИНСКОМ РЕГИОНАЛЬНОМ ГОС.УНИВЕРСИТЕТЕ ИМ. К. ЖУБАНОВА

Перед началом работы этно-форума состоялась тематическая выставка - ярмарка народных умельцев, на которой были продемонстрированы участникам мероприятия великолепные предметы ручного народного творчества, а также благотворительная Акция в рамках «Каравана милосердия». Далее участники форума получили возможность осуществить экскурсию в музей Национальной библиотеки РК.

В работе этно-форума приняли участие общественные деятели: Терещенко Сергей Александрович, почетный председатель ОЮП «Ассоциация русских, славянских и казачьих организаций Казахстана»; Богнат Любовь Ивановна, Общественное объединение "Культурный центр "Беларусь" Павлодарской области, с докладом «О роли белорусской диаспоры в жизни Северного Казахстана»; Бузыкин Александр Александрович, председатель Алматинского областного русского культурного центра с до-

кладом: «Развитие социального бизнеса как части реализации казахстанской идентичности»; Кирихин Юрий Георгиевич, председатель Южно-Казахстанского славянского этнокультурного центра, рассказавший о целом комплексе культурных мероприятий центра в г.Шымкенте; Шихотов Владимир Семенович, председатель, атаман ОО «Союз казаков Семиречья», рассказавший о работе казачьего Центра Алматинской области; Башко Владимир Карпович, зам.председателя Мажилиса Парламента Республики Казахстан.

В завершении работы форума присутствующие приняли резолюцию. Терещенко С.А. и Башко В.К. подвели итоги работы этно-форума, высказали позитивные идеи и мысли по поводу развития славянских ассоциаций республики, в частности, и о межэтнических отношений в республике.

В целом, форум стал площадкой обмена важных мнений и предложений. Доброжелательность и



осознание себя единым народом Казахстана стали главными составляющими данного мероприятия. В завершении участники обменялись мнениями по поводу дальнейшего углубления работы славянских и казачьих этнокультурных центров на местах. К сожалению, современный мир наполнен «горячими точками». И только подобного рода форумы позволяют обсуждать и решать важные вопросы межнационального характера, основываясь на приоритете общепризнанных прав человека. Будем надеяться, что казахстанский опыт выстраивания межнациональных отношений станет примером межнационального согласия, стабильного, устойчивого развития для других государств мира.

Соб.кор.



## ЕСІГІМДІ ҚАҚҚАН КІМ?

Қ. Жұбанов атындағы Ақтөбе өңірлік мемлекеттік университеті педагогика және психология мамандығының 2 курс студенттері топ кураторы, педагогика ғылымдарының кандидаты, доцент Гүлшат Бахтиярованың ұйымдастыруымен қаламыздағы Т.Ахтанов атындағы облыстық драма театры ұжымының «Есігімді қаққан кім?» атты қойылымын тамашалап қайтты.

Аталмыш қойылым қазіргі қоғамдағы өзекті мәселе – жастар арасында белең алып отырған діни адасулар мен езге діни экстремистік бағыттағы топтардың жетегінде кету секілді құбылыстардан сақтандырып, өз халқымыздың дүниетанымына тән исламдық тұрғыдан сауатты болуға үндеп, насихаттауға бағытталған.

Бұл қойылымнан студенттер үлкен әсер алды. Олар қоғамда көрініс тауып отырған отбасындағы ата-ана мен жастар арасындағы діни кезқарастардан туындайтын алауыздықты, өзіміздің дәстүрлі әдет-ғұрыптарымыздың мәнін, маңызын түсінбеушілікті сахналық қойылым

арқылы көріп, шынайы өмірдегі оқиғалармен сабақтастыра қызу талқылады.

«Бүгінгі уақыт талабынан туындап отырған қала жұртшылығы мен студент жастарымыз үшін танымдық, тәрбиелік мәні зор қойылымды жан-жақты дайындап, үлкен сахналық шеберлікпен жеткізген Т.Ахтанов атындағы облыстық драма театры ұжымына шексіз ризашылығымызды білдіріп, шығармашылық табыстар тілейміз» дейді студенттер мен топ кураторы.

Динара КУЖАХМЕТОВА

«Ақыл - жастан, асыл-тастан» деген дана халқымыз. Жаста болса, шығармашылығымен көзге түсіп, тіпті кітабында шығарып үлгерген жастардың жетістігі әрине, қуантарлық жәйт. Атап айтар болсақ, жақында университетіміздің филология факультетінің түлегі Шапағат Аманжолдың «Қарғалы құшағындағы өлең» атты өлеңдер жинағы кітабы жарық көрді.

Ол кітапта  
Адамдықпен пара-пар  
ақындығым,  
Ақындықпен пара-пар  
ар-намысым.  
Өлең жырға жасымнан  
жақындығым,  
Өлең мәні - өмірлік алданышым, - деп



## ФИЛОЛОГИЯ СТУДЕНТТЕРІ ЖАҒЫМДЫ ЖАҢАЛЫҚТАРМЕН

өмірін ақындық өнермен байланыстыратын жас таланттың таңдамалы өлеңдері басылған. Ең алғаш Шапағат кептеген оқырманға "Біз Шөмекей" өлеңімен танылған еді. Шапағаттың әлі алда талай кітаптарының жарық көретініне сенім мол.

Филология факультетінің тағы бір мақтанышына айналған қарлығашы қазақ филологиясы мамандығының 3 курс студенті Жансая Кенешова. Оның "Бағалау керек бақытты" атты алғашқы авторлық кітабы жарыққа шықты.

Жансаяның ең алғашқы шығармашылық жолға шығуына себепкер болған кітап 200 беттен тұрады.

Осылай филология факультетінің шығармашыл жастары өздерінің шығармашылық жолдарын қолға алып, болашаққа үлкен қадам басты десек болады.

Факультетіміздің дарынды студенттеріне сәттілік тілеп, қаламдарың ұштала берсін деген тілек білдіреміз!

Әбілқайыр ТІЛЕУЖАН,  
филология факультетінің студенті



## ХАЛЫҚАРАЛЫҚ СҰЛУЛЫҚ БАЙҚАУЫ



2016 жылдың 27 қыркүйек күні Маңғыстау облысында алғаш рет «Маңғыстау облысының туризм басқармасы» мемлекеттік мекемесі мен Маңғыстау облысының әкімдігінің қолдауымен Халықаралық «Каспий Патшайымы-2016» сұлулық байқауы өтті. Байқауға Қазақстан, Әзірбайжан, Ресей елдерінен ару қыздар қатысты. Бұл байқауда тек ең сұлулар ғана іріктелген жоқ, сонымен бірге талантты, ең бастысы, өз халқының салт-дәстүрі мен әдет-ғұрпын, тарихы мен мәдениетін жақсы білетін жас қыздар өздерінің бақтарын сынады.

Байқаудың қорытындысы бойынша «Каспий Патшайымы-2016» атағын Ресей елінен келген Владлена Бесчастнова иеленсе, «I Каспий Ханшайымы-2016» номинациясы мен «Интернет Патшайымы» номинациясын университетіміздің техникалық факультетінің 2 курс студенті Гүлнұр Амандос жеңіп алды.

Техникалық факультеттің студенттермен және жастар ұйымдарымен жұмыс белімі мен студенттік өзін-өзі басқару ұйымының атынан Гүлнұр Амандосты жеңісімен шын жүректен құттықтай отыра, деніне саулық, әсемдік пен махаббат, шығармашылық табыс тілейміз!

Д.БАЗАРБАЕВА,  
техникалық факультеттің СЖЖҰЖ  
бөлімінің маманы

# АҚТӨБЕ МАРАФОНЫ

ЕЛ ТӘУЕЛСІЗДІГІНІҢ 25 ЖЫЛДЫҒЫНА ОРАЙ ҚАЛАМЫЗДА ДӘСТҮРЛІ КҮЗГІ ЖАРТЫЛАЙ «АҚТӨБЕ МАРАФОНЫ-2016» ЖАРЫСЫ ӨТТІ. МАРАФОННЫҢ МАҚСАТЫ ТҰРҒЫНДАР АРАСЫНДА ЖЕҢІЛ АТЛЕТИКАНЫ ДАМУ, САЛАУАТТЫ ӨМІР САЛТЫН ҚАЛЫПТАСТЫРУ БОЛЫП ТАБЫЛАДЫ. ЖАРЫСҚА ҚАТЫСУШЫЛАР ҚАШЫҚТЫҚТЫҢ ҮШ ТҮРІНЕН 3КМ, 10 КМ, 21 КМ-ГЕ ЖҮГПРУДЕН ЖАРЫСТЫ.



Шараға қатысушылар облыс әкімшілігінің алдында жиналды. марафонды сез сөйлеп ашқан облыс басшысы Бердібек Сапарбаев қатысушыларға сәттілік тіледі. «Айна» сауда үйінен бастап Тұңғыш Президент атындағы саябағына дейін 3 шақырымды жүгіретіндер, одан ары қарай 10 және 21 шақырымды бағындыратындар саябақ айналасымен Бриг, Казхром ғимаратын және саябақты айнала жүгірді.

Марафонға біздің университетімізден 100-ге жуық студенттер қатысты. Олардың ішінде 18-39 жас аралығындағы ерлер арасында 10 километрге жүгіруден дене тәрбиесі мамандығының 3 курс студенті Салауат Самғат екінші орынды иеленсе, аталмыш мамандықтың 4 курс студенті Манас Жанабергенов 21 километрге жүгіруден қарсыластарынан басымдық танытып, ол да жүлделі екінші орынды жеңіп алды. Спортшыларымызды жеңісімен құттықтаймыз!



## СПОРТШЫЛАРМЕН КЕЗДЕСТІ

Жақында дене шынықтыру және спорт мамандығының студенттері қаламыздағы футбол клубының мүшелерімен кездесті. Кездесуге Ақтөбенің футбол клубының бас жаттықтырушысы Юрий Уткульбаев, Ақтөбе облыстық футбол Ассоциациясының бас хатшысы Асхат Қалжанов, футбол клубының жартылай қорғаушылары Никита Бочаров пен Дидар Жалмұқан, медиа зона жетекшісі Игорь Войцеховский, баспасөз хатшысы Айшат Ибрагимова және медиа зона қызметкері Жәнібек Кенжалин қатысты.

Кездесуді педагогика ғылымдарының докторы, профессор Төлеген Ботағариев сөз сөйлеп ашты. Ол келген қонақтарды студенттерге таныстырып етті. Кездесу еркін әңгімелесу түрінде өткізіліп, студенттер ойда жүрген сұрақтарын қойды. Олардың клуб мүшесі болуға қызығушылық танытатындықтары айқын көрініп тұрды. Спорт саласындағы қай мамандық клубқа керек, клубқа құжаттарды қалай тапсыруға болады, команданың ойыншыларының жасы қаншада болуы қажет, клубтың болашақтағы жоспарлары қандай деген жастардың кеңейесті сұрақтары төңірегінде әңгімелер ербіді. Студенттердің сұрақтарына команданың жаттықтырушысы Юрий Уткульбаев жауап беріп отырды. Кездесу соңында қонақтарға естелік сыйлықтар табыс етілді. Педагогика ғылымдарының докторы, профессор Төлеген Ботағариев университет ректорының оқу ордамыздағы спорт деңгейін көтеру жайлы тапсырмасы бойынша алдағы уақытта клубпен тығыз байланыста жұмыс жасайтындықтарын алға тартты.

Бұл кездесудің студенттер үшін маңыздылығы зор болды.

## СПОРТШЫЛАРЫМЫЗДЫҢ ЖЕТІСТІКТЕРІ



Университетіміздің спортшылары кептеген жетістіктерге қол жеткізіп келеді. Атап етер болсақ, дене тәрбиесі кафедрасының оқытушысы Айбек Габдуллин Қарағанды қаласында өткен жазғы президенттік кепсайыстан Қазақстан Республикасы чемпионатында екінші орынды иеленсе, ҚР кубогі үшін Ақтөбе қаласында өткен жазғы президенттік кепсайыста басымдылық танытып, бірінші орынды жеңіп алды. Кепсайыс

спорттың қысқа қашықтыққа жүгіру, мылтық ату, жүзу, граната лақтыру, орта қашықтықта жүгіру түрлерінен өтті. Осы сайыстардың барлығынан сүрінбей өткен дене тәрбиесі кафедрасының оқытушысы Шыңғыс Төлеуовте 40-49 жас аралығындағылар арасынан жүлделі бірінші орынды қанжығасына байлады. Сонымен бірге ол Өскемен қаласында өткен ардагерлер арасындағы спартакиадада жеңіл атлетикадан үшінші орынды иеленіп, жүлдемен оралды.



Осындай тәлімгерлерден дәріс алған студенттеріміз де спорттағы жетістіктерімен қуанып келеді. Дене тәрбиесі мамандығының 3 курс студенті Салауат Самғат облыстық «Алтын күз» жеңіл атлетикадан далалық жүгіруде

екінші орынды иеленді.

Спортшы қыздар да ерлерден қалысар емес. Грузияның Батуми Шахро қаласында өткен Худояны еске алуға арналған халықаралық турнирде 60 кг салмақта Гүлнара Курпишева қыздар боксынан бірінші орынды жеңіп алды.

Бетті өзірлеген: Ж.АРЕН

Қазақстан Республикасының Мәдениет және Ақпарат Министрлігі Ақпарат және Мұрағат комитеті  
Мерзімді баспасөз басылымдарын және ақпарат агенттіктерін есепке алу туралы 2014 жылғы 12 ақпанда тіркеліп №14155-Г куәлігі берілген

Бас редактор Кужахметова Д.Т.  
Газет тілшісі Арен Ж.С.  
Газет маманы Жалғасбаева М.Ж.  
Газет корректоры Адилханова С.Ж.

Меншік иесі:  
Қ.Жұбанов атындағы Ақтөбе өңірлік мемлекеттік университеті

Газет ЖШС «Хабар Сервис»  
баспаханасында (Ақтөбе қаласы, Смағұлов кешесі, 9 «К» басылады.  
Тел: 8(7132)545-545, 400-400.

Тапсырыс №132 Таралымы 3000

Біздің мекен-жайымыз:  
030000, Ақтөбе қаласы, Ө. Молдагулова кешесі 34 ұй. 2-қабат, 200 ° белме. Келіме 2 баспа табақ.  
Газет айына 2 рет шығады.

Газет редакциясына келіп түскен қолжазбалар мен фотосуреттер қайтарылмайды.